

U G O V O R broj 295614/2020
o promjenama na postojećem priključku i obračunskom mjernom mjestu

I UGOVORNE STRANE:

1.

GRAĐEVINSKI FAKULTET U SARAJEVU
CENTAR (SARAJEVO), PATRIOTSKE LIGE 30, SARAJEVO
Identifikacioni broj: 4200287770000 PDV broj 200287770000 koga zastupa Samir Dolarević, dekan (u daljem tekstu: Naručilac)

2. Javno preduzeće Elektroprivreda Bosne i Hercegovine d.d. - Sarajevo, Podružnica "Elektrodistribucija" SARAJEVO, ZMAJA OD BOSNE 49, SARAJEVO, koju zastupa Haris Trnka, v.d. direktor, kao Operator distributivnog sistema (u daljem tekstu: ODS)

II PREDMET UGOVORA

Član 1.

Predmet Ugovora je izvođenje radova na promjenama na postojećem priključku i obračunskom mjernom mjestu na objektu POSLOVNI, koji se nalazi na lokaciji CENTAR (SARAJEVO), PATRIOTSKE LIGE 30, SARAJEVO, a po zahtjevu Naručioca za RAZDVAJANJE INSTALACIJA.

Radovi na promjenama na priključku i obračunskom mjernom mjestu definisani su u ELEKTROENERGETSKA SAGLASNOST, broj: 295614/2020, izdatom dana 03.06.2020 godine, koji je dat u prilogu i čini sastavni dio ovog Ugovora.

III TROŠKOVI NASTALI PROMJENAMA NA POSTOJEĆEM PRIKLJUČKU I OBRAČUNSKOM MJERNOM MJESTU

Član 2.

Ukupni troškovi nastali promjenama na postojećem priključku i obračunskom mjernom mjestu iznose:

Iznos bez PDV:	2.545,00	KM
Iznos PDV:	432,65	KM
Ukupan iznos:	2.977,65	KM

(slovima: **DVIJEHILJADEDEVETSTOSEDAMDESETSEDAM I 65/100 KM**)

Troškovi nastali promjenama na postojećem priključku i obračunskom mjernom mjestu određeni su u skladu sa Opštim uslovima za isporuku električne energije, Pravilnikom o metodologiji za izračunavanje naknada za priključenje i definisanje rokova i uslova za priključak na distributivnu mrežu, Pravilnikom o mjernom mjestu, Cjenovnikom usluga i drugim aktima JP Elektroprivreda BiH d.d.- Sarajevo

Predmjer i predračun troškova iz stava 1) ovog člana Ugovora su dati u prilogu i čine sastavni dio Ugovora.

Porez na dodatu vrijednost je izračunat u skladu sa Zakonom o porezu na dodatu vrijednost („Službeni glasnik BiH”, broj 09/05, 35/05 i 100/08).

Član 3.

Naručilac je obavezan da riješi imovinsko-pravne odnose na ime ODS-a i plati sve troškove koji nastanu u postupku rješavanja imovinsko-pravnih odnosa radi izvođenja radova na promjenama na postojećem priključku i obračunskom mjernom mjestu, a koji su predmet ovog Ugovora.

IV USLOVI I NAČIN PLAĆANJA

Član 4.

Ukupne troškove nastale promjenama na postojećem priključku i obračunskom mjernom mjestu iz člana 2. ovog Ugovora, Naručilac će uplatiti u punom jednokratnom iznosu na račun JP Elektroprivreda BiH d.d.- Sarajevo, Podružnica „Elektrodistribucija“, SARAJEVO najkasnije deset (10) dana od dana stupanja na snagu ovog Ugovora.

V ROKOVI

Član 5.

ODS će izvesti radove iz predmeta Ugovora u roku od 30 dana od dana kada Naručilac izvrši uplatu ukupnih troškova nastalih promjenama na postojećem priključku i obračunskom mjernom mjestu, ispuni obaveze iz člana 3. ovog Ugovora i obaveze date u dokumentu iz člana 1. stav 2) ovog Ugovora.

ODS će priključiti objekat iz člana 1. ovog Ugovora na distributivnu mrežu kada se okončaju radovi na priključku i Naručilac dostavi ODS-u sljedeće dokumente:

- a) atest o ispravnosti električnih instalacija i/ili zapisnik o pregledu i ispitivanju elektroenergetskih postrojenja, uređaja i elektroinstalacija,
- b) pravosnažno odobrenje za građenje za objekat ili potvrdu/stručno mišljenje nadležnog organa da za predmetni objekat, u skladu sa zakonom, nije potrebno odobrenje za građenje, po potrebi
- c) upotrebnu dozvolu, ako zakon propisuje obavezu pribavljanja iste, po potrebi
- d) zaključen ugovor o korištenju distributivne mreže, ukoliko korištenje distributivne mreže nije regulisano ugovorom o snabdijevanju električnom energijom,
- e) zaključen ugovor o snabdijevanju električnom energijom,

Rok za priključenje objekta na distributivnu mrežu ne može biti duži od deset dana od dana ispunjenja uslova iz stava 2) ovog člana Ugovora.

Ugovorne strane su saglasne da se u slučaju nastanka okolnosti koje sprječavaju ODS da izvrši obaveze iz ovog Ugovora u roku iz stava 1) ovog člana (npr. postupak javne nabavke i sl.), izradi aneks na ovaj Ugovor, kojim će se utvrditi novi rokovi ili novi tehnički uslovi priključenja sa novim rokovima ili raskine ovaj Ugovor.

VI VIŠA SILA

Član 6.

Ni jedna strana nije odgovorna za neispunjenje ugovorenih obaveza ukoliko je izvršenje tih obaveza spriječeno višom silom.

Pod višom silom se podrazumijevaju događaji i okolnosti koje se nisu mogle predvidjeti u vrijeme zaključenja ugovora, izbjeci ili otkloniti u toku realizacije istog i koje onemogućavaju izvršenje ugovornih obaveza, a pod uslovom da iste ne podrazumijevaju krivicu ili nemar ugovorne strane.

Pod događajima i okolnostima iz prethodnog stava smatraće se naročito: rat, poplava, požar, generalni štrajk i slični događaji.

Ukoliko dode do pojave događaja i okolnosti koje se u smislu ovog Ugovora mogu smatrati višom silom, ugovorna strana koja se poziva na višu silu, je dužna na način koji je u datoj situaciji jedino moguć, odmah obavijestiti drugu ugovornu stranu o tom stanju i njegovim uzrocima, a najkasnije u roku od tri dana od dana nastanka više sile uputiti obavijest drugoj ugovornoj strani i pisanim putem.

Ugovorna strana koja se poziva na višu silu će nastaviti sa izvršavanjem svojih obaveza iz Ugovora sve dok je to u razumnoj mjeri izvodivo.

U slučaju nastupanja događaja i okolnosti koji se mogu smatrati višom silom u smislu ovog člana Ugovora, nemogućnost ugovorne strane da ispuni bilo koju od svojih ugovornih obaveza neće se smatrati razlogom za raskid ugovora ili neispunjavanjem ugovorne obaveze, ukoliko je:

- a) preduzela sve potrebne mjere predostrožnosti i potrebnu pažnju, kako bi izvršila svoje obaveze u rokovima i pod uslovima iz ovog Ugovora i
- b) obavijestila drugu ugovornu stranu o nastupanju više sile na način definisan u stavu 4) ovog člana Ugovora i preduzetim mjerama na otklanjanju štetnih posljedica dejstva više sile.

VII OSTALE ODREDBE

Član 7.

ODS će radove izvesti u skladu sa tehničkim propisima i standardima, tehničkim preporukama u elektrodistributivnoj djelatnosti JP Elektroprivreda BiH d.d. – Sarajevo i uslovima koji su navedeni u dokumentu iz člana 1. stav 2) ovog Ugovora.

Član 8.

U skladu sa Opštim uslovima za isporuku električne energije, novoizgrađeni i/ili izmješteni elektrodistributivni objekti potrebni za priključenje na distributivnu mrežu objekta Naručioaca, uključivo i brojilo električne energije, će biti knjiženi u stalna sredstva ODS-a.

Izuzetno, u stambenim ili stambeno-poslovnim ili poslovnim objektima u kojima je zajednički mjerni ormar smješten u unutrašnjosti zgrade ili su mjerni ormari ugrađeni po etažama, ODS nije vlasnik glavnog napojnog kabla od kablovskog priključnog ormara do mjernog ormara i glavnih napojnih (usponskih) vodova od kablovskog priključnog ormara do mjernih ormara sa brojlilima koji su raspoređeni po etažama, kao ni zajedničkih mjernih ormara, niti mjernih ormara po etažama.

ODS preuzima sve obaveze eksploatacije, upravljanja i održavanja stalnih sredstava iz stava 1) ovog člana, izuzev kablovskih vodova iz stava 2) ovog člana, u skladu sa tehničkim i drugim propisima iz ove oblasti.

Član 9.

Ugovorne strane su saglasne da se nakon realizacije ugovorenih obaveza sačini i obostrano potpiše zapisnik o promjenama na postojećem priključku i obračunskom mjernom mjestu, čime se potvrđuje da je priključenje izvedeno u svemu prema ovom Ugovoru i Opštim uslovima za isporuku električne energije.

Ukoliko se u toku izvođenja radova, izvrše manje izmjene tehničkih uslova priključenja u odnosu na ugovorene radove, sve izvršene izmjene se unose u zapisnik o promjenama na postojećem priključku i obračunskom mjernom mjestu.

Član 10.

Ugovorne strane su saglasne da međusobne obaveze koje nisu regulisane ovim Ugovorom rješavaju u skladu sa Zakonom o električnoj energiji u Federaciji BiH, Opštim uslovima za isporuku električne energije, te Pravilnikom o metodologiji za izračunavanje naknada za priključenje i definisanje rokova i uslova za priključak na distributivnu mrežu, Pravilnikom o mjernom mjestu i drugim aktima JP Elektroprivreda BiH d.d. - Sarajevo.

Član 11.

Ugovorne strane su saglasne da će u slučaju prouzrokovanja štete, u toku realizacije ovog Ugovora, drugoj ugovornoj strani istu nadoknaditi.

Član 12.

Ovaj Ugovor može prestati:

- a) sporazumnim raskidom,
- b) jednostranim raskidom, na način propisan zakonom i ovim Ugovorom i
- c) nastupom drugih okolnosti za prestanak ugovora u skladu sa važećim zakonima.

Ovaj Ugovor može biti raskinut iz sljedećih razloga:

- a) na osnovu sporazuma ugovornih strana,
- b) jednostranim raskidom jedne od ugovornih strana u slučaju da druga ugovorna strana ne ispunjava obaveze iz Ugovora u utvrđenim rokovima i na utvrđeni način,
- c) ako poslije zaključenja ugovora nastupe okolnosti koje otežavaju ispunjenje obaveza jedne od ugovornih strana,
- d) drugih razloga u skladu sa važećim zakonima.

Pravo na raskid ugovora zadržavaju obje ugovorne strane u slučaju da jedna od ugovornih strana ne ispunjava svoje ugovorne obaveze.

Ugovorna strana koja pokreće postupak za raskid ugovora iz razloga navedenog u stavu 2) tačka b) ovog člana Ugovora, obavezna je prije podnošenja zahtjeva za raskid ugovora dostaviti pisanu opomenu drugoj ugovornoj strani o neizvršavanju obaveza sa dodatnim rokom za ispunjenje tih obaveza.

Dodatni rok iz prethodnog stava ovog člana Ugovora ne može biti duži od 30 dana.

U slučaju da ugovorna strana koja ne ispunjava obaveze iz Ugovora u utvrđenim rokovima i na utvrđeni način, ni u ostavljenom roku ne ispuni obaveze iz Ugovora, ovaj Ugovor se smatra raskinutim.

Član 13.

Raskidom ovog Ugovora ugovorne strane su oslobođene svojih obaveza, izuzev obaveze na naknadu eventualne štete.

U slučaju raskida ovog Ugovora, ODS je obavezan izvršiti povrat uplaćenog iznosa po ovom Ugovoru, u roku od 30 dana od dana raskida Ugovora, bez obračuna kamata.

ODS će zadržati dio uplaćenog iznosa na ime troškova nastalih realizacijom obaveza iz ovog Ugovoru do dana raskida Ugovora.

Član 14.

U slučaju potrebe za povećanjem ili smanjenjem priključne snage, Naručilac ima obavezu da podnese zahtjev za izdavanje nove elektroenergetske saglasnosti i zaključi ugovore, u skladu s Opštim uslovima za isporuku električne energije.

Član 15.

Sve eventualne sporove ugovorne strane će rješavati prvenstveno sporazumno u duhu dobrih poslovnih odnosa i uzajamnog povjerenja.

U slučaju spora koji se ne može riješiti sporazumno, ugovorne strane su saglasne da je za rješavanje istih stvarno nadležan sud u SARAJEVU.

Član 16.

Sve izmjene ovog Ugovora mogu se vršiti isključivo i samo uz pisanu saglasnost ugovornih strana.

Član 17.


Ovaj Ugovor stupa na snagu danom potpisivanja od strane ovlaštenih lica ugovornih strana.

Član 18.

Ovaj Ugovor važi do okončanja radova na postojećem priključku i obračunskom mjernom mjestu.

Član 19.

Ugovor je sačinjen u dva (2) istovjetna primjerka od kojih svakoj ugovornoj strani pripada po jedan (1) primjerak.



Naručilac:
Dekan
Samir Dolarević

Mjesto i datum: SARAJEVO, - 9 - 06 - 2020
Broj: 24309/20

Mjesto i datum: 12. 6. 2020 SARAJEVO
Broj: 04-1-53-14-5/20